


永順縣志



風土志

蠻煙瘴雨氣候異宜鳩舌侏離流俗易染前之人文  
告詳已自改土來承

列聖聲教漸摩黎民於變而且時雍觀宋咸平四年上谿  
州刺史彭文慶貢水銀黃蠟與前之硃砂黃連犀角  
後之谿布茶牙枴木足見物產充盈輿圖增色知不  
僅訛采貢茅徒書嘉禾為祥瑞也志風土

風俗

土產

祥異附

風俗

士簡而質蓬窗草閣書聲琅然應童子試者千餘人然地僻而瘠間有身列膠庠而因家計改業者良可慨矣栽培作育是在良有司富教兼施可耳

邑山多田少農民刀耕火種方春砍雜樹舉火燔之名曰剝畚火熄乃播種其地收穫恆倍然亦不能盡然自始耕至收成鮮片刻之暇近溪河者遇旱桔槔聲相聞刈禾既畢羣事翻犁插秧芸草間有鳴金擊鼓歌唱以相娛樂者亦古田歌遺意耕作勤苦貧者傭工取給冬則伐山漁水歲稍歉則入山採蕨掘葛根漉粉以充食性謹愿重鄉里敬畏官府以理役之

永順縣志

卷之六

風土志

風俗

二

雖勞不怨然不能忍小忿以爭鬪興訟良可憫也

工多外至者技藝較土人爲稍巧近日彼此相習藝亦漸精

大家婦女居城市者嫻於禮教勤於女紅無妖冶之習農家婦女饁餉飼蠶治木棉勤紡績出則背負簍援山拾薪手猶鍼線不停歸則舂汲炊爨刻無安息婦女之勞苦此其最也

冠禮久不行邑人於男子將婚時里黨釀錢爲宴會易其小名而爲之字迎親之日父母邀客醮子命以成人之道謂之簪花女家亦如之猶存加冠之意婚禮男家擇門戶相偶請媒妁至女家求親既允乃

備禮送庚帖以簪環衣服羊酒之屬曰定親女家以庚帖巾扇答之自此親誼往來動必以禮將娶用禮物以通佳期曰上頭或復以衣服簪環饋女家曰過禮迎親之日兩家各開宴迎賓簪花用鼓樂花轎女家戚族送親赴女家宴者帶禮物相贈曰添箱新婦烹茶湯盥水送舉家老幼曰拜茶或是日即備筵送婦父母或俟三日而送曰三朝飯于歸後日偕壻往省父母或三日或擇日或俟春朝統曰回門母家延客以宴壻曰陪郎贈以簪佩果品曰插帶壻家按插帶而延飲曰會親已回門者滿月之後女歸家曰住滿月回日必具米粢以遺之聘禮嫁奩厚薄視家貧富極富者贈以田曰奩產又謂之女戶田其或索重奩而釀成溺女之風貪厚聘而致有標梅之歎知禮者所不爲

永順縣志

卷之六

風土志

風俗

三

喪禮視文公家禮僅十得二三耳而鄉俗積習每遇喪事必請僧道開路棺下然燈晝夜不息或盛作佛事謂之超度大抵稱家有無死之日擇時入殮附於身者必誠必信三日成服乃擇期訃聞親友治喪受弔行朝暮奠辭靈禮葬日發引用鼓吹旌幢前導孝子扶杖於柩前匍匐而行親戚畢送至墓所祭禮紳士家歲時伏臘必祭其先清明祭奠謂之挂掃中元薦祖謂之燒包合邑皆然至於十月初旬祭

先墓如清明時冬至祭始祖立春祭先祖間有行者案通志綱目云係於水土者爲風化於君上者爲俗縣屬境十八保惟功全保冲正保西英保田家保羅衣保苗民聚焉各保緣邊民苗雜處乃土司招徠安插以備藩籬外商寄籍悉爲漢人近沐文治土民丕變與漢人同茲錄舊俗俾以今較昔知轉移之易也

漢人多來自江右閩中及辰沅各處衣冠華飾與土苗殊久或染土人舊習亦不盡然

土人日事耕作春初藝雜糧薙草伐木縱火焚土冒雨持鋤糧熟摘歸棄其總稟五月栽稻秧秋乃穫屋

## 永順縣志

### 卷之六

風土志

風俗

四

際樹杪苗穗高懸食則舂之儲無隔宿四時家食不識商賈凡有誓約畫竹爲券時喜魚獵食羶腥搬運貨物行負老幼率以背籠籠旁兩耳貫臂偃僂而行婦女則短裙短衣喜用斑斕跣足椎髻以布勒額耳項手足環圈蟬聯多以示富婚娶爲禮牛布穀食病丕事醫巫師咒祝死環屍歌泣終卽葬歲時賽會設儺王男女二像頂禮問筭以卜吉凶宵演儺劇裝男者曰范杞郎裝女者曰孟姜女其於先祖每歲仲春祭殺白羊孟夏十八夜祭焉六月薦新日又祭焉秋之祭以七月十五夜冬之祭以臘月二十八夜禁聞雞犬聲其祀諸神正月初三至五六夜男女唱集被

除不祥名曰擺手二月社日祭伏波弟名曰祭花鬼  
三月祭祖之先日祭土司又明日遣道士禱於馬伏  
波廟四月十八日七月望後二日祭漣漣祠九月九  
日祀重陽報土功

苗人蓄髮負鎗登峻涉險捷足如飛血誓爲信睚眦  
不合輒相仇殺婦女身無中衣足無屨履能織紉錦  
裙綵巾釘錫鈴繡絨花精逾土著男則栽種之暇煨  
鐵爲劍揉木爲弩時而製笛搥簫唱苗曲羣居板屋  
有榻無几爨設中庭席坐槽食祀青草鬼青草入室  
眾咸怪之今聞女子會宴有著鞋者

案賈長沙有云因仍積習愈錮愈深變化新機隨觸

## 永順縣志

### 卷之六

風土志

風俗

五

隨動乘除者運會鼓舞者君師今考舊志縣屬歸流  
之後雍正八年府憲袁詳革土司積弊乾隆七年知  
縣王伯麟有嚴禁土苗陋習規畧八年督憲阿檄飭  
郡縣慎重苗疆十二年府憲駱詳禁漢人買苗民土  
地十四年撫憲開三札教訓苗人子弟所爲恤苗以  
靖土者盧遠意周誠懇罔倦二十四年撫憲馮又頒  
示撫苗條款二十五年府憲張奉撫憲馮檄通飭四  
縣於城鄉市鎮人煙輻輳之區設講約所選擇約正  
按期講焉當時縣屬冊報講約所有本城外白砂守  
車下榔溪勺哈內塔臥外顆砂外塔臥外龍爪內白  
砂沖正保施溶保王家保上榔保羅衣保內龍爪李

家坪田家保舊司城內顆砂共二十處開導愚蒙申明約束大有講讓型仁氣象府憲張更爲示革值月夫示掘壕種樹示挖塘養魚謀生計祛苦累務使衣食既足禮義可興邊疆巖邑盡被光華以故登賢書與館選繼踵飛騰有如今日除將札示詳檄原文編入卷首檄示外所有前後歸款分錄詳明俾都人士或服舊疇或讀文書無忘 前憲勤政愛民之意百姓洗心革面之由勿狃苟安勿弛禁約庶幾蒸蒸日上也夫

附土語

土人稱天曰墨地曰理土亦曰理人曰那上聲 日曰礮

永順縣志

卷之六

風土志

附土語

六

月曰舒舒雲曰麥浪翁霧曰所帕風曰熱署大雨曰墨者細雨曰墨者喧下雪曰舒舒者大山曰卡科小山曰卡科鼻曰水轍河曰愛路曰喇池曰熊節田曰夕列格火口米燒水曰米那上聲 炭曰什體各落烘火曰土烏熱曰古冷曰撒樹曰卡木柴曰卡物竹曰猛花曰卡帕喫酒曰熱胡喫茶曰蠟轍胡喫飯曰只架行曰喇兒坐曰猛背官曰夸民曰馬那祖曰帕布祖母曰帕八父曰阿把母曰阿捏伯曰阿取伯娘曰捏取叔曰阿卑嬸娘曰阿蟻兄曰阿科弟曰阿米姊曰阿大妹亦曰阿米子曰必媳曰帕女曰必物外祖母曰卡公外祖母曰卡布夫曰那上聲 把妻曰那上聲 假力闈

女曰補逐作揖曰戳咱音啞叩頭曰卡打背頭曰卡打

眼曰落布眉曰落布須加鼻曰甕起面曰骨口曰哲

齒曰是是舌曰亦臘鬚曰喇帕耳曰甕切手曰潔掌

曰潔裏皮胸曰厯科沖肚曰阿拱足曰騎好看曰察

裏察家醜曰奚臘笑曰捏哭曰齊水牛曰苑黃牛曰

坳坳馬仍曰馬羊曰弱豬曰止狗曰哈裏虎曰力猴

曰額上聲雞曰匝魚曰送鴨曰撒鶩曰壓盃曰切背杯

曰切背背箸曰補指鍋曰踏枯卓曰席斃几曰科几

凳曰尖及一曰腦龔二曰捏龔三曰撥龔四曰惹龔

五曰五龔六曰鶩龔七曰泥龔八曰節龔九曰搭龔

十曰黑龔一百曰那日屋戳金曰翁可銀曰我銅仍

## 永順縣志

### 卷之六

風土志

附土語

七

曰銅鐵曰寫錫曰言鹽曰臘布油曰設是醋曰奚扯

穀曰力布米曰哲肉曰實帽曰毛衣曰西八袴曰枯

秋曰夕納鞋曰戳歇鞮仍曰襪釦子曰西八布播帶

子曰麥肉臘欠債曰拖書曰赤讀書曰赤禿寫字曰

赤赤鴨活曰赧跛大死曰赦胡說話曰斂力相打曰

打偕青曰浪夾藍曰信夾紅曰米納節黃仍曰黃白

曰阿使綠仍曰綠不知曰哈大睡曰列起曰住

附氣候

縣屬地氣與省會殊春深寒夏燥多疾風暴雨或折

木發屋一雨即寒一晴即熱端陽後衣單葛秋初炎

蒸重陽薄絮冬常溫雪不盈尺土性堅凝寒熱之氣



鬱爲霧嵐起自子夜至曉不散其日必晴起於辰巳  
漸彌山谷至晡必雨夏秋間民病瘡痢戾氣洩也其  
地勢重岡複嶺陡壁懸崖接連諸岡質粗脈疏樹藝  
易活花果實繁居民多種小米■子少栽穀稻每仰  
給於永定大庸衛所焉

永順縣志

卷之六

風土志

附氣候

八

撫苗條款八條

湖南巡撫 馮 鈐

一禁刁民唆訟查苗獠風俗尚屬樸實不知構訟後因屬隸州縣一切戶婚田土鼠牙雀角之事頭人理處不結許其在該管地方官處告理乃有唆訟刁民窺知苗人有隙從中爲之播弄主使訟控代爲作詞暗地扛幫把持慫恿任其所爲欺詐誑騙不饜不休苗獠墮其術中小則此崗彼寨打降仇殺大則聚眾拒官陷於重法皆由刁民唆訟而起此等唆訟刁民有大害於苗疆有苗府廳州縣亟當嚴行查禁遇有苗獠告案務先究明何人所使何人作詞然後理其所控之事如究出唆訟作詞之人立即嚴拿通詳痛

永順縣志

卷之六

風土志

撫苗條款

九

加處治毋得稍爲姑徇貽害苗疆

詳革土司積弊

共二十條  
錄八條

知府 袁承寵

一禁崇尚邪術查苗獠不知禮教其俗多信鬼神病不醫藥推知誦咒畫符災不修省互相把齋茹素以致奸邪得以捏造詭言異說誘以**它**銀哄騙斂錢種種情事近於邪教不可不預爲防範杜其滋蔓撫苗各官時當曉諭耑長獠總勸諭苗獠各務耕織無信邪術一切畫符把齋不經之事概行禁止如有以邪術誘惑者卽送地方官究治地方各官或因公事前詣苗獠耑寨卽傳年老苗獠諭以邪教有干法紀開導教戒使之傳告眾苗獠遵奉禮法

一苗土兇徒捉拿人畜燒劫抵事宜嚴禁也查永順

永順縣志

卷之六

風土志

撫苗  
條款

十

一府南鄰六里紅苗西接酉陽北連容美茅岡等一十八土司每有苗土頭目竄通漢奸以偷奪作生涯以尋事爲活計或朝出暮入坐草拿人或劫掠牛馬搶奪家財及借口與某人有仇捉張代李而苗頭土目利其所獲彼此瓜分且將所捉男女用土塞口不令喊救及至到寨先打三斧名爲打財方用長枷鑊鎖坐臥不能甚將夫妻子母拆離分賣慘苦難名應通飭各該土司及六里苗寨各頭目倘再有藉稱抵事捉人拿畜燒家劫虜者定將該頭目從重治罪一保正鄉約擅受賀禮宜嚴禁也查土司舊例凡所管舍把俱稱爲父母官新委到任卽受賀禮以致土

民仍應故習每於保正鄉約承役之時俱送賀禮或稱爲老爺或稱爲父母官以致舍把之名雖除舍把之實未改應永行嚴革嗣後倘保正鄉約仍敢受賀並稱老爺者嚴加究治至於保靖縣將旗長改爲耆長土人不識文義因耆與旗同音亦仍以父母官稱之當飭令概照內地改爲保正勿仍踵故習

一骨種坐牀惡習急宜嚴禁以正風化也查土司舊俗凡姑氏之女必嫁舅氏之子名曰骨種無論年之大小竟有姑家之女年長十餘歲必待舅家之子成立婚配不知律條甚明並應杖懲離異其曰坐牀尤乖倫理凡兄亡收嫂弟亡收弟婦律應重典而土苗

永順縣志

卷之六

風土志

撫苗  
條款

十一

惡俗皆覷然不顧均應照例嚴禁

一殺牲飲血宜嚴禁也查土俗舊例凡遇疾病死喪必殺牛祭鬼抑或互爭不明之事亦殺牛喫血近奉禁宰耕牛嚴例始易以羊今既改流凡一切淫祀俱宜禁絕而況於不當祭之鬼乎且土民窮苦每因祭祀破壞家產遂至恣爲不善應一並禁除

一服飾宜分男女也查土司處萬山之中界連諸苗男女服飾均同一式頭裹刺花巾帕衣裙盡刺花邊與紅苗無異凡耕作出入男女同行無拘親疏道途相遇不分男女以歌聲爲姦淫之媒雖親夫當前無所畏避卑府莅任聞此惡習隨卽出示化導分別服

制革除唱和應加嚴禁

一公媳內外宜有別也查土民盡屬蔀屋窮簷四圍以竹中若懸磬並不供奉祖先半室高搭木牀翁姑子媳聯爲一牀不分內外甚至外來貿易客民寓居於室男女不分挨肩擦背以致倫理俱廢風化難堪現在出示化導令寫天地君親師位牌分別嫌疑祈賜通飭以挽頹風

嚴禁土苗陋習規畧 四條

知縣 王伯麟

一禁勒取骨種 與袁詳同

一禁違律轉房 與袁詳請革坐牀一條同

一禁男女混雜坐臥火牀 與袁詳公媳內外宜分一條同

一禁違例爭贖遠年田產查永順未改土之前土司差役繁重田土甚賤有輕價出售者亦有將田土立契給人止冀承頂差徭不索價者今既改土輕徭薄賦田土價昂奸猾之徒妄思收回故業不云是當非賣卽云原係交付代管找贖不遂卽行捏控查例已賣之產契無回贖字樣者不准找贖嗣後除契載回贖字樣定有年限確據者聽其備價收贖如力不能

永順縣志

卷之一

風上志

禁陋習

十三

贖許照例憑中公估找貼另立賣契或當主不願找貼聽其別賣歸還原價外其已經售賣契無回贖字樣及失業多年毫無憑據者一概不許勒贖索找混行爭佔藉端捏控如違定行治罪

土產

穀屬

稻 地多山宜種雜糧土平水潤處乃開田種稻有紅腳粘桂陽粘麻粘柳條糯諸名山寒水冷收穫亦薄

蕎 春秋皆可種

麥 土性寒不宜麥種收甚薄皆市之沅陵永定

豆 有黃赤綠黑各種

芝麻 有黑白二種

藜子 土名鵝掌

黍

永順縣志

卷之六

風土志

土產

十四

粟

秫

蔬屬

蕨 初生時可食取根為粉名曰蕨粉

葛 土人取藤練績織布其根為葛粉

瓜 惟無西瓜

白菜

蘿蔔

紅白二種

苦蕒

蒿

萵苣

蕓薹

俗呼油菜

芥

莧

茄

筍

蔥

蒜

韭

薤

藕

薺

果屬

木桃 花色甚豔實大如桃雖枯朽香氣不歇

胡桃 中秋後可食

桃李梅梨杏柿橘白果枇杷  
石榴葡萄郁李葶薺櫻桃柚

花屬

蓮花 有千葉紅蓮花謝後蓮蓬中蓮子仍發出爲  
花瓣故無蓮子

海棠 叢生石壁陰森處三四月間卽開

蘭 菊 紫薇 薔薇 芙蓉 雞冠 金鳳

玉簪 紫荊 山茶 木槿 芍藥 龍爪

粉團 梔子 牡丹 百合 映山紅卽杜鵑花

翦春羅 月季俗呼月紅 茉莉 葵花 海棠 繡球

金錢 扁竹花 金銀花

永順縣志

卷之六

風土志

土產

十五

草屬

通草 一名通脫大葉肥莖山地平原俱叢生鬻之  
外縣製大小花草名曰通草花又切製成紙大者盈  
幅可供書畫

香草 細葉散生長寸許氣香乾可漬油爲婦女膏  
沐向惟保靖產今縣境亦有之

豔容草 大葉雜茶葉煎食可健力

鳳尾 芭蕉 馬鞭 益母 浮萍 艾 蘆 藍

蓼水陸二種皆有 蘋 蒲

木屬

楠木 有白楠有香楠明史永順各宣慰歷次貢木



卽此今積年砍伐良材幾盡

黃楊木 有水旱二種水者無用旱者可製盤匝小器又有烏楊色深黑近皆不可多得

松 柏 楓 槐 杉 柳 楊 桑 椿 樟

桐 檀 榆 阜莢 楮 椴

竹屬

斑竹 大竹 俗呼楠竹 白竹 實竹 箭竹

慈竹 笙竹 紫竹 苦竹 鳳尾竹

叢竹 莖纖如箸長僅一二尺叢生山澤間根葉節筠與常竹無異俗呼水竹

藥屬

永順縣志

卷之六

風土志

土產

十六

牛膝 產山中長大肥潤者良

五倍子 可染色藥料亦用 茯苓 白芨

蘘荷 俗呼觀音蓮根可菹食其汁能療蠱毒

石菖蒲 產深澗懸壁上

薏苡仁 澤蘭 黃蘗 黃精 粉葛 車前

瓜萋 香需 荆芥 紫蘇 葶麻 薄荷

茴香 牽牛 茱萸 山梔 何首烏 蒼耳

天花粉 赤芍 獨腳蓮 厚樸 常山

鱗介屬

鯽 巨者名石鯽味似魴產澗中善近石吸石髓一名巖鯽

鮒魚 細鱗長五六寸

鯉 鯖 鱧 鰱 鰻 鮠 黿 龜 螺

蚌 蝦 鮑 桃 花魚 穿山甲

禽屬

畫眉 善鳴健鬪人多畜之

錦雞 一名金雞

雞 鳧 鴉 燕 鳩 鵲 鷺 鷩 鷓子 鷹

百舌 子規 鷓鴣 叫天 鵲 鴿 竹雞 雀

布穀 鸚鵡 水雞 黃鸝 蠟 雀 八哥

鸛 白鸛 鴛鴦 雉 鵝 鴨 鵠 白頭翁

獸屬

永順縣志

卷之六

風土志

土產

十七

水獺 善捕魚漁人畜之又有山獺毛稍黃

虎 豹 馬 騾 驢 牛 豬 羊 貓 狗

猩猩 熊 獐 鹿 兔 鹿 猴 野牛 野豬

豺 狼 駱駝 獾

狸 種類不一有尾色黑白錢口相間者名九節狸

皮可為裘

布帛屬

絺花 歲產不多可給本境用織布粗厚

尚巾 一曰苗巾出保靖者佳縣屬有之

斑布 卽土錦或經緯皆絲或絲經絺緯土人以一

手織緯一手用細牛角挑花遂成五色宋時下溪州

歲貢溪布後漢書西南夷傳所載闌干布疑卽此類  
土綢 土布 麻布 絲被土綾

雜產

桐茶油 山植桐茶樹收子爲油利甚廣

綠 木本產山谷間其種有二皮皆可染土人采取  
外貿其利頗厚

蜂蜜 又有巖蜜在崖壁石隙間色香氣味更佳然  
不多得

土紙 擣樹皮爲之佳者稍白然粗澀不中書

炭 有黑白二種然產黑者多壩溪筓竹園桐木園  
賀虎溪黑彭青峪等處俱有

永順縣志

卷之六

風土志

土產

十八

黃蠟 紫草 葛茶 絲 木耳 石灰

尙酒 土人以糯米釀成

硃砂 猛尙河側沙中出溫泉香潔異他水相傳下  
有硃砂又云下有硫磺然濱河水漲即沒不可開

硝 乾隆四十六年准永順府屬之永順龍山桑植  
等縣復開采硝廠永順每硝百觔需工木運腳銀五  
兩九錢一分八釐歲可出硝三千餘觔嗣因苗變封  
禁嘉慶十年咨部復采其地則麻陽坪在縣東北一  
百一十里木榔溪在縣南九十里陳紫洞在縣東南  
一百一十里大明溪在縣東南一百五十里穿洞在  
縣南二百里滴水洞在縣南二百里小白洞在縣南

二百里龍洞在縣南二百里二十年因各硝洞刨刨  
淨盡題請封閉

鐵 縣東四十里曰賀虎溪亞自溪東北三十里曰  
車溪三十五里曰用加皆產鐵以苗疆故俱封禁後  
屢開屢封近數年來迭奉委查經前縣薛超文胡啟  
運均詳結並無開爐私鑄在案

銅 縣東南一百二十里曰魚涎口一百四十里曰  
石米溪皆產銅曾奉准開采然砂不旺今封禁

鹽 縣屬顆砂等處相傳舊有鹽井後經土司封禁  
今失其處

案通志溪州元和間貢硃砂十觔開元間貢黃連又

永順縣志

卷之六

風土志

土產

十九

貢犀角咸平四年上溪州刺史彭文慶貢水銀黃蠟  
宋元祐二年五月上溪州貢端午溪布十月進龍興  
節溪布靈溪郡貢茶牙二百觔明史永順各宣慰貢  
木

掘壕種樹示

乾隆二十五年

知府

張天如

照得永屬地方山多荒土儘可種植樹木已奉督憲檄行示諭在案查民山土原須廣種雜糧爲每年食用豈知種樹之利數年以後即可致富爾等須於近溪河者種杉木背陰者種蠟樹平坦者種桐油樹多砂石者種花椒樹園角牆邊或種桑養蠶或種麻紡績長成之後無須人力薅鋤年年可收利息然亦有明知其利而不肯種植者本府因公下鄉詢之士庶俱稱偷竊踐踏之故查長沙各縣凡蓄禁樹木之家俱於本人地界掘壕築牆牛馬不得踐踏隣人不得偷砍立法最爲妥當爾等若願種樹應照長沙式樣

永順縣志

卷之一

風土志

掘壕種樹示

二十

於周圍地界挖深土壕築牆三四尺高則樹木便可蓄禁卽或人力不多不妨隨時築土一二年間土牆成而樹木長利息亦自此漸大是又何憚而不爲之合再出示勸諭凡於種植雜糧之外所餘山地及牆邊園角俱須相度地利廣種樹木或恐偷砍踐踏卽須築牆蓄禁如有縱放牛馬踐食以及進界偷砍者許卽報明該縣除重責外立著賠償斷不姑寬爾等切勿偷安怠惰坐失地利且掘壕年久豪強不得兼併並於爾等有後效慎勿怠忽觀望至十餘年後始信本府之言爲大有益也

挖塘養魚示

乾隆二十五年

知府

張天如

照得永屬地方但有溪壩而無池塘蓄水養魚之利全然不講本府曾將永綏苗人亦知養魚緣由遍行示勸在案今者因公所歷見有兩山相夾及卑陷陰溼並村莊左右處所儘可挖塘而居民自甘荒棄者僉稱固願養魚怕人偷竊夫因恐人偷竊而□不肯蓄魚則自失其利矣每見永綏苗人恐人竊魚於□中多插竹梢是防賊亦有良法況養魚不須人力春間放秧秋冬卽有大魚可以養老親可以送親友可以賣銀錢易酒米若果田在塘邊遇有亢旱卽可引水灌田事之有利莫過於此合再示勸務須相度地勢深挖池塘旣可灌田又可養魚或恐被人偷竊只須多插竹枝勤於照看切勿安於舊俗坐失利息該保約須不時傳諭廣爲勸導本府當以挖塘之多寡別保甲之勤惰但不得過爲強迫致滋紛擾耳

祥異附

雍正八年夏五月慶雲見自午至酉

秋嘉禾生一莖有九穗者至三十穗者

乾隆五十五年大有年

道光二年嘉禾生

咸豐元年秋大熟至七年亦如之

同治十一年大有年

十二年秋七月慶雲見是日爲

慈安皇太后萬壽聖節是秋大熟邑大水菑而不害

以上祥徵

乾隆四十三年饑

永順縣志 卷之六 風土志 祥異附 二十二

四十四年饑

嘉慶四年大水

道光二十九年淫雨三月十日城至六月橋塌

是秋歲荒升米百金民多挖葛採蕨以爲食民稍安

古丈坪大饑斗米二千餘文開倉設賑

三十年夏旱野有殍古丈坪大疫城內火官署延燒幾盡

咸豐三年春正月郡城火

六年秋八月郡城火官廨民房延燒幾盡

同治九年饑時府憲魏詳請釐藩憲通飭辰各商

籌貲販運穀米沿途平糶四境賴以全案利城各

商貲本甚微且灘河險阻靡常賴以全案利城各

偶試而倉猝皆應者足見其地方官

素心愛民即商賈亦重違其教也

十年東關外火斃一老人

十二年夏六月大水

六月十日酉刻水自西

外塔及屋等保田廬多壞城垣衝塌數丈有餘誠異

災也

十三年春二月郡城正街不戒於火自起二至五更日始

熄延燒七十餘戶

二月二十五日雨雹

以上災異



永順縣志卷六

藝文志

土木建置數十年蝕於風雨銘焉記焉其迹畱矣山川形勝千百載限於偏隅題焉詠焉其名著矣然則哀輯詩文豈以誇詞章供吟詠乎蓋考證之資寓焉已至其藻繪雖工無關故實不協體要者皆畧而弗書懼泛也志藝文

雜文

古近體詩

永順縣志

卷之六

藝文志

目錄

二十四

雜文

復溪州銅柱記

五代晉學士 李宏皋

粵以天福五年歲在庚子夏五月楚王召天策府學士李宏皋謂曰我烈祖昭靈王漢建武十八年平徵側於龍編樹銅柱於象浦其銘曰金人汗出鐵馬蹄堅子孫相連九九百年是知吾祖宗之慶膺緒緜遠則九九百年之運昌於南夏者乎今五溪初甯羣師內附古者天子銘德諸侯計功大夫稱伐必有刊勒垂諸簡編將立標題式昭恩信敢繼前烈爲吾紀焉宏皋承教濡毫載敘厥事蓋聞牂牁接境槃瓠遺風因六子以分居入五溪而聚族上古以之要服中古

永順縣志

卷之六

藝文志

復溪州  
銅柱記

二十五

漸爾羈縻洎帥號精夫相名妣氏漢則宋均置吏稍靜溪山唐則楊思興師遂開辰錦邇來豪右時恣陸梁去就在心否臧由己溪州彭士愁世傳郡印家總州兵布惠立威識恩知勸故能歷三四代長千萬夫非德教之所加豈簡書而可畏亦無辜於大國亦不虐於小民多自生知因而善處無何忽乘閒隙俄至動搖我王每示含宏嘗加姑息漸爲邊患深入郊圻剽掠耕桑侵暴辰澧疆吏告逼郡人失甯非萌作孽之心偶昧戢兵之法焉知縱火果至自焚時晉天子肇造丕基倚注雄德以文皇帝之徽號繼武穆王之令謨册命我王開天策府天人降止備物在庭方振

聲明又當昭泰眷言僻陋可俟綏懷而邊鄙上言各請効命王乃以靜江軍指揮使劉勅率諸部將付以偏師鉦鼓之聲震動谿谷彼乃棄州保險結寨憑高唯有鳥飛謂無人到而劉勅虔遵廟算密運神機跨壑披崖臨危下瞰梯衝既合水泉無汲引之門樵采莫通糧糗乏轉輸之路固甘衿甲豈暇投戈彭師杲爲父輸誠束身納款我王愍其通變爰降招攜崇侯感德以歸周孟獲畏威而事蜀王曰古者叛而伐之服而柔之不奪其財不貪其土前王典故後代著龜吾伐叛懷柔敢無師古奪財貪地實所不爲乃依前奏授彭士愁溪州刺史就加檢校太保諸子將吏咸

永順縣志

卷之六

藝文志

復溪州  
銅柱記

二十六

復職員錫命有差俾安其土仍頒廩粟大賑貧民乃遷州城於平岸溪之將佐銜恩向化請立柱以誓焉於戲王者之師貴謀賤戰兵不染鏑士無告勞肅清五溪震讐百越底平疆理保乂邦家爾宜無擾耕桑無焚廬舍無害樵牧無阻川塗勿矜激瀨飛湍勿恃懸崖絕壁荷君親之厚施我不徵求感天地之至仁爾懷甯撫苟違誠誓是昧神祇垂於子孫庇爾族類鐵碑何立敢忘賢哲之蹤銅柱堪銘願奉祖宗之德宏皋仰遵王命謹作頌焉其詞曰  
昭靈鑄柱垂英烈手執干戈征百越我王鑄柱庇黔黎指畫風雷開五溪五溪之險不足恃我旅爭登若

平地五谿之眾不足憑我師輕躡如春冰谿人畏威  
仍感惠納質歸明求立誓誓山川兮告鬼神保子孫  
兮千萬春

謹案銅柱高天一策丈上二尺內江地諸六道重統五千馬並石  
蓮花臺前鑄天策丈上二尺內江地諸六道重統五千馬並石  
範事立谿州紫刺光祿兼大夫檢校兵部尚書長使沙節開國伯諸  
軍道邑九都統百掌戶書五記通都議大夫使彭校尚書策左府僕學士兼江御南  
史道夫都統百掌戶書五記通都議大夫使彭校尚書策左府僕學士兼江御南  
福五年夫歲上柱國庚子賜七紫魚子袋十宏八日撰後鑄大晉天  
甲午推朔九奉日宏寅鑄功十二月壬辰都尉武安日軍節亥度立  
中使使判節外州諸軍事永團州刺史光祿御大夫校上太  
副使使判節外州諸軍事永團州刺史光祿御大夫校上太  
柱國扶風縣開國侯食邑一千戶刺史彭廣士奉教與五臨  
鑄國扶風縣開國侯食邑一千戶刺史彭廣士奉教與五臨  
一姓歸盟誓詞附後狀飲血求誓楚王畧其詞鑄於柱之

永順縣志

卷之六

藝文志

銅復柱谿記州

二十七

右據月狀蒙溪王庭靜發軍都頭自古以來當違頭背天福營四  
年九鄉三亭兩縣及苦祖本分田場之土後請祇依舊額當  
諸大團百姓軍人及苦祖本分田場之土後請祇依舊額當  
州大團百姓軍人及苦祖本分田場之土後請祇依舊額當  
供盜逃不走許戶界凡團是王庭人差網收買入溪州並四都界劫掠  
並盜逃不走許戶界凡團是王庭人差網收買入溪州並四都界劫掠  
伐土產不許科輒有庇無罪五姓主降官軍攻討若有罪  
本都申上科懲如有庇無罪五姓主降官軍攻討若有罪  
違誓庭約上甘對淮前三天發神軍將伐宣心為歸證順者王化曰永  
事明誓庭約上甘對淮前三天發神軍將伐宣心為歸證順者王化曰永  
爾不能抽差順我無金革之本虞克保耕桑為之業皇天都后土  
亦不能抽差順我無金革之本虞克保耕桑為之業皇天都后土  
山川鬼神吾之推誠可以上鑒

明 劉 健

彭之有姓實出錢鏐自唐而殷封於大彭蔭子及孫不可勝數族望宗焉號之曰祖周有伯窰自竄於茲黨類日興遂長其師秦漢而下屢至顯官事得其職民以甯安唐之季世亂起民憂有諱城者刺史辰州族人戴之願立其子事聞於朝朝議順旨自是子孫官守其地丹忱相照世美相濟由宋而元不去其任宣撫或加恩亦隨蔭大明當天四海就平天寶獻寶稽首天庭帝心嘉之授以原職旋加宣慰用柔遠域天寶拜恩矢心自盟惟忠與義誓竭丹忱迄今世麟聞命秉鉞更歷七世忠讜罔替昭勇昭毅累賜褒揚

永順縣志

卷之六

藝文志

世忠堂 二十八  
銘

寵章命服邊境之光彭氏所居有堂翼然表以世式  
允示家傳凡厥子孫於焉視事朝夕恪恭靡敢或貳  
上酬君恩下光祖烈慎終若始永保臣節

祭永順保靖土兵文

明 王守仁

維湖廣永順保靖二司之土兵多有物故於南甯諸處者嘉靖七年六月十五日乙卯欽差總制四省軍務尙書左都御史新建伯王委南甯府知府蔣山卿等告於南甯府城隍之神使號召諸物故之魂魄以牛二羊四豕四祭而告之曰嗚呼諸湖兵壯士傷哉爾等皆勤國事而來死於茲土山谿阻絕不能一旦歸見其父母妻子旅魂飄飄於異域無所依倚嗚呼痛哉三年之間兩次調發使爾絡繹奔走於道途不獲顧其家室竟死客鄉此我等上官之罪也復何言哉復何言哉古者不得已而後用兵先王不忍一夫

永順縣志

卷之六

藝文志

祭土兵 二十九

不獲其所况忍羣驅無辜之赤子而填之於溝壑曰兵之爲患非獨鋒鏑死傷之酷而已也所過之地皆爲荆棘所住之處遂成塗炭民之毒苦傷心慘目可盡言乎邇者思田之役予所以必欲招撫之者非但以思田之人無可剿之罪於義在所當撫亦正不欲無故而驅爾等於兵刃之下也而爾等竟又以疾病物故於此則豈非命耶嗚呼傷哉人孰無死豈必窮鄉絕域能死人乎今人不出戶庭或飲食傷多或逸欲過節醫治不痊亦死矣今爾等之死乃馳驅國事捍患禦災而死蓋得其死所矣古之人固有願以馬革裹尸不願死於婦人女子之手者若爾等之死真

無愧於馬革裹尸之言矣嗚呼壯士爾死何憾乎今爾等徒侶皆已班師去矣爾等遊魂漂泊正可隨之而歸耳爾等尙知之乎爾等其收爾遊魂斂爾精魄駕風逐霧隨爾徒侶去歸其鄉依爾祖宗之墳墓以棲爾魂享爾妻子之蒸嘗以庇爾後爾等徒侶或有征調之役則爾等尙鼓爾生前義勇之氣以陰助爾徒侶立功報國爲民除患豈不生爲壯烈之夫而沒爲忠義之士也乎予因疾作不能親臨祭所一哭爾等以抒予傷感之懷臨文悽慘涕下沾臆今委知府布告予衷爾等有靈尙知之乎嗚呼傷哉

萬緣橋記

副將 許天元

余倡建觀音巖工甫竣即有事於斯橋河舊有橋僅架以木爲歲月之計溪水泛漲則橋已不可求矣余因詣觀音巖屢過其間曰是橋也雖非通衢往來之所經不可以不修爾雅曰石矼謂之倚其必輦石爲之乎隨詢之談風水者皆言河水背折而下流若弓之反橋之修得矣若斯水何余曰是不難因復以倡建爲事郡人亦樂於効役秋冬水涸亟命眾工攻河側大石爲納水之所使水注其間於城郭若迴抱之勢即用其石以修橋於工爲便於費爲省其崇若干尺修若干尺凡六閱月而工潰於成方余之有事於此也聞者莫不以爲難夫天下事責之於人而不爲爲之於己而不成是皆畏難使然也向使余逡巡有難心則涖官於茲值

國家承平無事中外敕安訓練士卒之暇不過偕二三

寮屬徒事於樽酒壺矢之間觀音巖且無由創新於一時况斯橋乎橋成郡中人合詞言曰是役也工築堅緻可垂不朽而水從西面來潞洄內抱更於斯郡文風大有培益行見掇巍科登臚仕後先接踵也是說也余固信之而未敢謂其必然所冀郡人因是橋之修知天下事皆非甚難勿忽於其始勿怠於其終勉勉焉文章之盛事業之成未有不操券獲者至



淺者徒以爲便觀音巖往來則陋矣余不敢以橋之  
成專其美於己名之曰萬緣敘其始末俾刊諸石凡  
首事及諸捐資人姓名並另列諸碑陰云

永順縣志

卷之六

藝文志

萬緣橋記

三十二

重修觀音巖碑記

教授 孫均銓

永郡多異山環城諸峯鬱勃合沓若起若伏而奔馳者大小以什數而其最奇而神足以護

國衛民而爲人所常至者莫如觀音巖觀音巖距城南五里澗水自北來遶其背西行折而東適當其面稍過則又西焉水去來莫能見兩山前列若屏風交峙環拱其一峯壁立雲表類大士像故名舊有廟甚小郡人踵而修之棟宇基址稍具制焉前累石臺越數歲工未竣而止噫嘻此豈人力不至與抑有待而然與

都督許公之來鎮此也適四方救安軍中無事過其

永順縣志

卷之六

藝文志

重修觀音巖記

三十三

地覽其山之高與其水之深慨然憫其臺之廢而傷其廟之狹且陋也曰有是哉人之好善不終有如此者於是乃倡捐鳩工親偕工師度其塗營其地視下窺高前指後畫忽然如有所就爰伐木輦石廟之陋者偉之基之狹者擴之臺之低且頽者築之引之更於臺上造爲飛閣承以重簷四維八柱十有二偶枝撐杈榷窳窳委妥層櫺曲桷吻翕翼張面左右繚以石垣雕琢爛漫漏光引日不可方物其左有隙地亂石穢蕪如棄物然公指而異之命去奧草荆惡木穿徑出林因邱面勝地之擴不過數十步而崛者平夷暗者光華乃造地藏菴於上如天作而地生之稱勝

境焉前之人殊未有見於是也夫當公始議修時聞者莫不以爲難今及其成而觀之其廟則竦峙洞廠環譎鴻紛其閣則抗月檻於清溪標虹梁於雲外灝氣回布圓光瀾漫至若盤旋蔭松指顧奔霞羅怪石奇峯之狀於几席而延綠混碧悠然有以自遠者地藏菴爲尤甚是真所謂奧如曠如兼而有之者而公以護

國之志衛民之心當

昇平無事之日遂得竟所願而觀厥成豈偶然乎是役肇於辛未三月之吉而落成於癸酉五月之既望其爲土木瓦石工匠修築雕繪之費共計若干萬而競

永順縣志

卷之六

藝文志

重修觀音巖記

三十四

輸樂役若子來然又自城往者向嘗繞嶺西下崎嶇艱步今闢道緣溪右轉坦夷豁達中石門雙闕如削成過者莫不嗟其異而歎其神也郡人曰此皆公之力與公之德何可無以示後銓因爲公記其始末於右公名天元字存初號平村河南河南府孟津縣人乾隆戊子科舉人今官永順協鎮

黃素菴戎府兩公子殉難始末傳序 王 濟

曩者鄧唐建節紹偉烈於西平武惠貽庥縣家聲於  
北宋亞夫軍細柳無忝絳侯樂毅攝強燕奚慚昌國  
凡茲碩彥克繼前徽若乃堂構馳聲壘篋濟美雄州  
都督江南共說機雲半壁長城河北僉知璘玠若卞  
驃騎之有子殉並眈眈知顏平原尚有兄愧他朱李  
誠哉鵠原一詠花萼相輝駿譽千秋雲山生色矣雖  
然致身許國者志士之本衷竭力奉親者男兒之至  
性有賁獲之勇而無張許之操雖禦侮奚益也有衛  
霍之勳而無祥褒之行雖鄂不無華也是故求忠臣  
必於孝子之門惟取義乃著成仁之美如斯人者殊

永順縣志

卷之六

藝文志

殉難  
傳序

三十五

罕覲焉不謂碧血招魂青山埋骨兄先弟後同唱采  
薇之歌子沒父存載隕喪明之涕一則赴椿庭之難  
黑水吞聲一則韜梓里之戈青燐照影捐生兩地抱  
恨重泉若黃千戎之兩公子不大可悲乎當夫壬子  
之年乙巳之月桂嶺烽熾蘅湘夜驚警報溢於泉陵  
逆氛盈於昌浦干戎登陴固守竭耿恭拜井之忱奮  
袂遄征效齊頃背城之戰其奈一州斗大獨力難支  
三楚雲深援師不至拔幟訝黃旗之色連兵遭白馬  
之災驟中飛矛幾嗟裹革次公子呼天無路斫地有  
聲殲厥凶仇拯茲危迫乃以萬年鋒銳周孝侯匹馬  
安歸一將心灰李北平孤軍漸盡千戎則揮之命退

誓不欲生次公子則翼父以行殺身不顧數逢坎珂  
始達星沙雖幸出重圍依然無恙而身經百戰對影  
誰憐固已撫周泰之體遍是癍痕伏呂錡之弢適符  
妖夢矣無何蟻聚迷宵鯨翻揭浪熊城入望鶴唳頻  
聞次公子以鋒鏑之餘列戈矛之隊卻克中矢援枹  
未停苟偃生瘍張目猶視霍嫖姚之不敗意本由天  
雷萬春之如神終當及難手刃二賊脇納孤丸一戰  
歸來千軍涕泗嗚呼噫嘻可以悲矣所可慰者仲子  
雖作國殤長君亦稱世傑方且侍父以出報弟之仇  
靖草澤之萑苻壯粉榆之保障稽時伏臘問邑維桑  
黃巾滿地傳異號於紅錢銅面驚人激雄心於紫塞

永順縣志

卷之六

藝文志

殉難  
傳序

三十六

在事偏籌撫局當躬獨蹈危機入深虎穴探來虎子  
之強掃淨狼氛封到狼居之國何以單騎見虜葛藥  
羅已拜馬前異道出師慕容垂又從宵至推心置腹  
還疑銅馬之譁張爾詐我虞未必玉門之生入進退  
維谷反覆奚辭果啓殺機遂來凶問蠻花狝鳥任他  
回鶻橫行故劍遺弓化作杜鵑嘔血固宜紫光並繪  
亮節彌彰何期白骨未收讎言忽起柱銅紀績不勝  
薏苡之讒貝錦賡詩空致菲萋之譖有懷孰白賚恨  
無窮嗚呼噫嘻愈可悲矣且夫威揚絕域班生投筆  
之功也勢挾長風少文破浪之願也揆千戎之初志  
惟冀兩公子祛衣作衛鳴鏑先驅躡鳥鼠之餘蹤盪

蠓螭之絕跡收黑山四百三之部落耀朔方十八萬  
之旌旗下馬草露布傳古莽以皆驚勒石紀燕然借  
崑崙而尙小庶克銘之竹帛嗣我箕裘詎料兩軍未  
愍方交河曲之綏三鼓不聞竟墓宜陽之郭坡憐鳳  
落地慘彭亡空惜季方更思家督難兄難弟歸元之  
面如生教孝教忠

錫命之榮孔厚雖儕末秩永煥英稱事固可悲心應無憾  
日者湘江秋暮遇大樹之將軍楚澤風高感小言之  
宋玉詳聆指授緝述膚詞攷李華弔古之章摘王粲  
從軍之句鴟苔未靖虎撲徒嗟矍鑠哉是翁臺上望  
思之痛依微兮如見雲中黯淡之魂縱是紅羊歷劫

永順縣志

卷之六

藝文志

殉難  
傳序

三十七

難磨壯士貞心但聽石馬嘶風尙帶勤王餘憤

黃素菴戎府兩賢嗣先後殉難記

知縣孫翹澤

古之忠能報國孝不辱□者載在簡編流傳里巷昭如也故或一節可傳寸善足錄尙論者表揚其德猶□溯其德之所由成况一門之內忠孝競爽尤古昔之所難顧易求之近世哉咸豐辛亥余以謁選畱京師適粵匪猖獗竄楚甸踰衡嶽犯昌浦出瀟湘旅邸奮發嘗與都人士詢察匪情及我軍聲容之盛適客有自南來者述及道州一役殊激烈有壯色原茲地之被匪潛襲也我軍西路居桂林南路鎮嶽麓其餘師貞專閩皆幹衛名區大都州守禦惟黃公素菴一軍兵不過數百糧僅支旬餘公以速戰爲利於是振

永順縣志□卷之六

藝文志

殉難記 三十八  
傳序

桴鼓厲甲兵掩殺十餘里奈眾寡不敵孤城遂陷公猶賈餘勇力圖恢復而重圍愈密幾至不能渡河時次君志齋年未及冠從侍行間振臂疾呼援者無應乃獨挺身赴鬪躬冒矢石連受重傷時賊勢併趨長沙大府檄公赴援志齋仍荷戈從往卒以傷重沒於軍余遠聞之竊慕素菴有子未嘗不私心嚮往欲遇其人顧安得風塵末路識之於萬里外哉甲寅春余以大挑來湘上固黃公素菴桑梓邦也因喜公餘之暇得以訪其爲人未幾余奉委掌西門之管一日登陴見據鞍皤然從容劍帶者叩其官閥乃黃公素菴也晉接之會覺其言論□采有古儒將風始信有是

父乃有是子前此傳聞良不我欺遂得與訂交好歡洽如平生是年秋余適有大鄉之命遂別公涖任未踰時萑苻倏起變連九溪公以久涖斯土奉委來討賊復同事戎馬間其遇合之巧豈人所得知耶不謂志士礪節久而愈奮當事者以入賊穴激公公投袂遽起慷慨無難色時冢君仙源侍請代父行意謂焚巢殲賊紓國難而代親勞也爰策輕騎綽利刀生擒賊首於山壘間功甚偉矣卒因軍令訛傳隨從忽散獨木難支豪傑隕命當是時也山河爲之改容風雲爲之變色蓋見危致命其得諸目見者又如此以視

□齋道州之事將毋同迄今事平久公與余仍同司

□□□□

卷之六

藝文志

殉難

三十九

□治鄉之士爰有綜其實蹟播爲詩歌爲公弔慰者平居過從公每出卷軸訪於余余乃進一解曰以兩嗣君之先後捐軀也發乎情根乎性本乎天理之正卽乎人心之安求仁得仁夫復何憾至於大德食報代有令嗣爲邦家光則固有自然存乎其間者非余所敢知余亦弗爲贅因僅就平日所聞見敘二子之忠孝與公之能教二子以成其名者筆諸帙俾世之言庭訓者式焉是爲記




王村公館記

乾隆二十四年

知縣 陳惠疇

去縣治而南九十里爲王村其地水陸交會大憲巡邊學憲按臨及各憲來往於永郡者皆取道焉向有公館一所屋宇殘廢基址甚窄余下車以來即擬別圖爽塏有志焉而未逮也戊寅秋簿書稍暇因捐俸四百購地庀材委巡司田君專司其事凡四閱月而工告竣規模宏敞次第整齊巍然可觀矣其時捐俸所助協鎮那公蘭保中軍程公天篤司馬張公玉而經營相度指揮擘畫始終其事者則巡司田君朝泰之力爲多夫事患不爲耳永順自雍正六年改土設□□來興舉廢墜踵事增華月異而歲不同獨於此□□憲往來憩息之地未免風雨飄搖此亦有司之責也余有志興修者二三年至此克奏厥功旌節往來有可駐足後之官斯土者隨時補葺俾蠻煙瘴雨之區日就文物聲華之盛是則余之所厚望也夫



卷之六

藝文志

王村公館記 四十

北河歲修置產碑記

乾隆二十七年

壬午之春爲北河歲修置產將賣契田園共六紙鈐印發永順縣存卷蓋縣之王村以下若鳳灘茨灘順江等灘水勢最險余莅任後相度形勢永順縣令陳君捐貲修鑿以期利濟但各灘頑石縱橫既難一時砥平又遇春夏水發自山崩下之石木筏撞擊之石填塞河中致礙行舟若不設法歲修則河道難平而不設立歲修之產則官捐旣難經久而勞民亦非美政也昨歲通判賈君與保靖任令同心捐貲送府本府復捐銀三十餘金置北門外之隴湖口田火印二

□ 每年納租穀制斗十二石每年飭佃運穀上倉於

□ □ □ □

### 卷之六

藝文志

北河歲修四十一  
置產記


□ 黃不接時按時價糶賣至冬乾水涸時修理各灘發爲民夫石匠之費願後來毋任佃戶短少毋任匠作虛糜並不得將此田畝任奸胥侵隱及託名挪爲別項充公之用雖田畝無多不敷工費然人之好善誰不如我後有同志擴而充之產則日增費歸實用安瀾利濟將爲是河永慶焉夫古之治河者以河所從來者高水湍悍患砥柱隘使人鑄之裁沒水中不能去而令水湍怒爲害甚於故今北河之情形余歲修之意見亦有慮於是余冀產之日增於將來尤冀歲修者之善修而不徒擲產於水中也爰刻石於河之濱以告來者

萬緣橋記

知府朱 偓

郡城南關外有橋曰萬緣，始名於今。

都督平村許公名曷，爲始於公。橋舊厥名，則新也。曷爲新其名，向架以木，今集眾力，甃以石也。以石易木，曷以故？架木於秋冬，水涸則宜；春夏巨漲，無時木隨水去，民仍病涉，故易之也。公涖永久，重用民勞，而子來者咸各殫力，於是橋成而萬緣之名以著。余以癸酉二月來權郡，篆公暇登高望遠，詳覽山川形勢，見東西兩溪由郡城兩腋分流，至南關會合。志乘所稱雙溪，夜月是也。西溪源較遠，自龍山汝池曲流城西。□□而南，忽背走郡人士操觚而罕入，穀或以是與



卷之六

藝文志

萬緣橋 四十二

□□西溪灘石以築，東溪之橋橋成，渠開引水，遶東南而會東溪，合流下注，與城垣相抱，衛方流圓折，轉旋移易爲靈。都助勝概，郡之人文將翕然丕變矣。余願多士矢志雲路，亦如攻斯橋者之勿亟而克成。則萬緣即作司馬題柱橋觀也。可他若便行旅通商賈，闔城之需，徒杠輿梁者，正不乏。余尙將率僚屬次第及之，也是爲記。

水星閣記

知府 彭慶鍾

溪州昔無水星閣今創是閣何也豈其不恤民力哉民苦於火久矣余於己未九月奉檄權守溪州下車之明日周視其城自東而南而西俯覽城內戶不盈千而頽垣碎瓦之中榛荆滿目念民無以爲家悽然者久之轉至北其門扃苔蘚封焉詫甚問諸同僚皆曰北門之不啟由來已久相傳開則必有虎患余聞此言乃恍然於郡內之屢被火災蓋有由也五行生克乃天地自然之理吉凶休咎恒因之北屬水而南屬火其位相配其理實相克楚地居南又有祝融峰

□司火今南門開北門閉是無水以克火也火之爲

□□□□


卷之六

藝文志

水星閣 四十三

□職此之故嗟乎彼被火之家罄其所有頃刻化爲灰燼終歲流離靡所棲止其力不能修葺者什之八九即或家本素封修葺而旋又火亦苦於力之難以爲繼况被火且不僅於至再至三也夫災降自天賴人以補救苟深思之未有不得其補救之方者城北一高阜聳然獨峙俯臨南山一日余登阜以望忽欣然有所得火之性畏水而主水者坎也北門不啟坎與離無以相配今欲補偏救弊於坎方高阜建閣以奉水星以理揆之庶幾其可以克火矣驗不驗未可知而爲民弭災此守土者之職亦盡其心焉耳矣維時集同僚商之僉以爲然乃召諸匠估工約計需錢

六百緡甫閱月而錢已備於是度地審方坐坎而嚮  
離水生於西而旺於北故定其位於子癸之交其諏  
日庀材量工悉選能於紳士而紳士亦體余心民之  
心爭先恐後也閣前爲文昌宮取徑於其東繞而北  
石爲砌歷級以升高十六丈入門四面軒廠廣二丈  
有八尺高一丈六尺閣中棧栴架廡棟楹之屬材皆  
輪囷間以梓枌建樓二奉水星位於中樓以從祀焉  
袤廣稍殺其制以次削而上閣之外周以八方每方  
廣一丈一尺有奇其牆址悉甃以全石焉自最上一  
層之樓瓦以至於地高四丈有八尺是役也材美工  
□而價又廉偕籌費者爲永順縣孫司馬翹澤董其



## 卷之六

藝文志

水星閣

四十四

□者爲茂才能生夢祥蕭生永德經始於庚申歲八  
月越辛酉正月而兩樓成一切功程未竟厥成適余  
瓜期已及行有日矣熊生蕭生請記於余爰舉是閣  
之所以創畧書其概自茲以往於其閣之未備者完  
之又從而潤色之幸值綏豐眾人熙熙如登春臺官  
斯土者與民同樂花之晨月之夕閣中臨眺怡然揮  
毫則又爲溪州遊覽之勝地矣願以俟諸君子

水星閣敘並頌

同治二年

知府 張修府

水星天神也何閣乎爾禳火災也其禳火災奈何以水制火五行常理也何位乎坎坎正北方卦水之宗也閣之制層累而三坎爲隱伏隱而顯焉其功乃大非所以狀形勝肅觀瞻也形家之言儒者弗道前守彭公顧亟亟爲此者爲一已徼福則私私則數不可必爲兆人捍患則公公則理有可憑也嗚呼湘中西北隅地磽而俗瘠至溪州止矣而回祿虐之每歲屢發發則連數十家市廛廬舍化爲煨燼哀鴻之嗷鳴於塗者耳不忍聞目不忍睹乃自斯閣之建迄今三

□遂免於厄豈偶逢其會歟抑厭勝之術之果有靈

□□□□

卷之六

藝文志


水星閣敘並頌

四十五

□□人定亦足勝天有爲民請命之誠雖冥漠茫昧中無難感動而立效焉何況厚生正德善俗宜民諸政爲分所當爲與力所能盡者哉彭公之勗是役也在咸豐十年工未竣而出官既述其顛末爲記予偕隄人士增葺之今歲甫落成而量移長沙之檄至私幸公之善政不墜於後又自念學治有年無一事利濟我民爲可愧也爰作是頌使蠻童騎竹馬而歌即以當神絃之曲其詞曰

瞻傑閣之嵯峨兮面玉屏而枕飛霞上爲幽宗之靈宮兮柅灌玉而降嘉迓元冥而止舍兮策祝融使回車雖天道之甚遠兮繫我公之德不遐逢逢兮鼗鼓

潭潭兮神府神之來兮歌且舞神之去兮安我字今  
廣土兮昔焦土昔炎飈兮今膏雨衣有襦兮粟有庾  
頌公之德兮與斯圖而終古



卷之六

藝文志

水星閣  
敘並頌


四十六

利濟橋記

知府 張修府

絕水爲梁以便行旅載之爾雅月令及諸傳記是亦王政之一端然當民物蕃阜之地政通人和百廢具舉宜也若夫僻在荒服其民既瘠苦而邊烽數驚守土者寇至而爲備幸蒙其傷憐又不能興利蠲弊與民更始教養數大政方有志未逮獨沾沾以一橋爲濟人具何以異於溱洧之乘輿乎雖然亦視其緩急輕重而已郡城義和門外石橋創自前守宋公宴春成於王公鳴球已而爲水所齧僅存石礎梁公芸滋擬修未果翟公誥始捐置渡舟予以咸豐辛酉春涖

□力持重建之議鳩工庀材中輟者屢迄今冬乃落



卷之六

藝文志


利濟橋 四十七

□蓋溪州諸水發源黔蜀越數百里而會於沅湘其道郡郭外東注者爲猛崙河尤湍悍不測春交淫潦幾不可方舟是橋非特便行旅也橋左右小民恒藉以往來力食橋既毀或大風雨斷渡輒饑困不自聊而每歲覆舟漂没人且數十計橋之有無其關利害生死如此溯道光乙未始建至己酉而毀僅有十五年及今重建又閱十年有奇然當其始糜金錢巨萬一稔而工竣今者費不及三千緡先後三載艱苦倍焉興廢之不常而物力之凋敝又如此後之人即一橋之微可以見巖疆疾苦而俯仰今昔益知樂事勸功之難其必能以時繕完毋極於頽壞至重煩民力



可知也抑思使民忘勞必有其漸由是橋推之蒐軍實裕倉儲先賢胥蠶之宮多士講肄之舍與夫表彰古蹟增飾名勝皆將次第舉行予解郡有期深愧治效之疏闊猶幸是區區者藉手告成譬若配林之於泰山惡池之於河爲之兆以有待於後也豈徒望是橋踵事之烈哉爰詳考顛末並記捐輸姓名出納清數如左橋故無名以利濟名自予始長二十六丈廣一丈八尺悉仍舊制高三丈二尺增於舊者十之三庶免水患董斯役者永順縣知縣錢塘錢步淶蕭山周玉衡陽湖呂邦俊宜興任瑛府經歷江陵劉德源

□補府經歷江陵張鳴珂郡人士唐仁匯黃日昇蕭



卷之六

藝文志

利濟橋記

四十八

□惠蕭永魁熊夢祥曾福壽例得附書

谿州銅柱記拓本跋

知府 張修府

谿州銅柱在今辰州永順交界之會谿五代時馬希範嗣其父殷爲楚王谿州刺史彭士愁入寇希範討平之士愁遣子彭杲乞降立誓於夫福五年學士李宏皋撰記於是年五月柱鑄於七月字鑄於八月立於十二月距今歲九百二十四年矣地處僻陋拓本寥寥 本朝考古諸家始有著錄王述菴司寇金石粹編辨證尤詳予於咸豐辛卯來守是邦見郡縣志所載文多訛舛亟命工摹搨暇時審定之柱八面高六尺八寸四分面廣六寸五分凡四十一行首行復

□州銅柱記六字記二十行七百九十五字頌二行

□□□□

卷之六


藝文志

銅柱記  
拓本跋

四十九

□十四字誓狀五行二百五十二字前後年月三行九十八字題名十行八百七十六字各行下附列題名十七行三百九十字計爲字二百有奇匠作醜劣且多俗書如彭作彭算作筭壑作壑糧作糧款作欸奪作棄檢作檢害作害族作族險作險歸作歸寇作**殺**萬作万不勝枚舉均有悖六書之旨至粹編所列稍有不同者苟違誠誓誠誤作誠我師輕躡如春冰躡誤作蹈彭司裕銜中右僕射誤作左僕射龔朗芝誤作龔明芝覃文恩誤作覃文見彭永強誤作彭允師此殆付刻時偶未檢正愈信校書之不易也又按史稱立銅柱於下谿州爲界在辰州府西北一百十

里郡志以會谿即下谿州地然記文首行有宋人題  
天禧元年十一月十五日移到云云馬氏初立何地  
已不可考惟是記最爲蠻人所重宋太平興國七年  
詔辰州不得移馬氏銅柱 國初辰州守王某請將  
墨搨飭示各土司官苗俾如約遵行自彭氏獻土歸  
流迄今百三十年非曩日羈縻可比而表彰故蹟守  
土之任且使州人父老子弟知 我朝累洽重熙聲  
教四訖尊君親上之忱益油然而生也至彭士愁之名  
足爲歐氏訂訛馬希廣彭師暲二人官秩可補十國  
春秋之缺前人論之備矣吾鄉錢竹汀宮詹以埵列  
□名有知州通判都監鈐轄皆宋時官名斷爲宋人  
□□見所著十駕齋養新錄中茲不復贅云是歲昭  
陽大淵獻爲同治建元之二年四月戊戌跋



卷之六

藝文志

銅柱記  
拓本跋

五十

案舊志載據土司志彭士愁改名士然若然則非  
歐氏之誤矣惜其書今已不得見耳又云史載撰  
銘者爲李皋今柱刻李宏皋不無小異此等辨證  
似亦前人所未及

重修利濟橋記

知縣 董耀焜

邑之義和門外有利濟橋創建於前 府尊宋公宴

春百餘年來爲谿水所齧者屢矣咸豐辛酉 張東

墅觀察來守復捐貲重建之十餘年完好如故同治

十二年六月蛟水爲菑橋又圯 府尊魏鏡余都轉

憫小民之不便於行於菑後費絀之際急籌修復易

石以木冀其速成也橋成而民甚利焉癸酉之冬余

來宰是邦適水患後修巒宮築城壕諸大端皆次第

舉行而未暇計及於斯橋迄今又三年矣幾經風霾

雨潦之剝蝕與夫牛蹏馬足之踐踏漸至傾側朽敗

□橋者惴惴然若有戒心焉余廼鳩工庀材又重修

永順縣志

卷之六

藝文志

重修利濟橋記

五十一

之廣一丈六尺較舊制畧殺長與高則仍其故其上  
覆以板俾之平其側植以欄俾之有所護不一月而  
工竣費貲未四百緡亦可謂事半功倍也夫有司宰  
一邑之大舉凡政之所宜興宜復者豈獨斤斤於一  
橋也已哉然斯橋當保靖孔道征夫絡繹橋左右民  
入城來貿而謀生計者傴僂提攜往來不絕每當春  
漲初生激湍如奔馬不可以方舟儻無是橋之通則  
將臨流而歎束手無策其不能不急急有事於斯橋  
也如此是橋之成也日見吾民之前者呼後耆應熙  
熙攘攘如履康衢未始非政之小補云爾若夫以時  
歲修期於遠久是又有待於後之賢者

救生船說

湖南候補知縣 李龍章 廣東人

生而待救非救奚生救而能生生奚不救以救生名船說者曰船之爲功余曰否初余以春奉檄勸永志事夏暑雨秋仲未之行病也九月束裝而西先有告余謂灘險盍陸乎道半旬陟高望界有戒心竊以不舟自悔既而按輿圖搜陳牘見稟請於五灘設船救生者詢其由僉曰憲意也審船之功則自去冬迄今救若而溺生若而人縷縷爲余述嗟乎灘不自今險矣向歷是險者內恐焉外驚焉苟有失十不一生或十得一二生生者被擄買死者沒波濤沿灘上下乘□獲利不知凡幾人積幾歲今一旦取生者生之死□尙可生者又生之失利而不欲生者亦生之有生則救救無不生設是船者功爲何如耶余竣役將邀天之福順流而下履險無險也夫乃再畢吾說

靈石記

湖南候補知縣 李龍章 廣東人

灘之險水險乎石險乎石激水轟濤奔口吼故爲舟厲有茨灘者瀕縣東上建沃波將軍廟將以仗神靈降水險也下卓黃石狀貌嶙峋先廟而立不知幾何年代吞商賈格蓬蒿習以爲常訴於神石屹如故辛未之冬石忽宵遁行人頌神之功謂與救生船等嗟乎石之遁距神廟之建或千年或百年距船之設不逾數月維神有靈肯自功乎今夫君子之救人也不必其力之所及而常於其神之所至當其立一政行一事見人之阨冀予以安不過循分盡職勉所當爲乃其心思之專精意氣之堅銳早已通乎神明感乎

永順縣志

卷之六

藝文志

靈石記

五十二

物類雖魑魅魍魎至凶至頑無不望氣震驚辟易千里之外往往民害既除且除必速除己與人尙不及知者此無他願力大天下享仁人之福也今之石不遁於前不遁於後俾輜軒采風爲之援筆大書曰某年月日置救生船某年月日黃石遁君子救人之神爲可及耶爲不可及耶雖然伏波將軍每以降險著靈也灘無險神有靈矣神不自靈土人因以靈斯石

前任永順協都司楊公廟碑

知縣 唐 賡

公姓楊氏諱有鳳字鳴岐甘肅西甯人乾隆武進士  
歷任永順協都司偉貌玉立沈毅有大志常以立功  
疆場爲己任永順爲楚南苗疆漢土雜居安插兵籍  
爲難都司任中權營務待其綜核稱職尤不易公獨  
能輯和部伍上下交孚事有便民者必與郡守邑令  
贊成之不以武職辭也以故尤得永人心三十七年  
王師征金川奉檄統邊兵助大帥進剿以收服美諾  
索諾木功授湖廣遊擊三十八年復率所部攻打思  
底博賭所向披靡先以捷聞賞給花翎公自以受恩  
□益思殺賊爲報國計每戰披堅執銳身先士卒適

永順縣志

卷之六

藝文志

楊公廟碑 五十三

□酋麇至遂陷陣遇害卒以馬革裹尸事平後援陣  
亡例得賜銀幣諭祭廕其子永人聞公死狀輒爲流  
涕於西城五里公所建橋上立廟以祀之曰楊公祠  
余以同治庚午治是邑嘗有事過祠下想望久之今  
年大府檄修縣志復讀公傳見其文少法筆而新之  
且爲之歎曰公武職也乃爲橋以濟民亦惠而知政  
者其於當時制置戎行有恩有威俾糾糾武人不敢  
作奸犯科動眾叫呶更可知矣於是想公之才益懷  
公之烈重爲之歌曰

塞柳紅馬首東甘州萬里來楊公楊公橋虹橫腰撫  
鳴劍征夫驕楊公祠馨香宜遺愛畱永人思花裙草

履言侏離乃以其口鑄爲碑

永順縣志

卷之六

藝文志

楊公廟碑

五十四



永順縣題名碑記

知縣 唐 賡

永順之設縣也百五十餘年矣官斯土者新舊相仍前後相禪如流水之相續逆而數之已有莫能考其籍者余感夫遠宦邊陲其名久且湮沒而不彰亦後來當事之咎也因考自置縣迄今凡知縣事者題名如左若其治行則在人耳目褒譏閒錯均不得以力取焉後之覽者謂之章往也可謂之風來也可謂之備循省而資考鑒也亦無不可

古近體詩

世忠堂詩

明 陳獻章

宣慰之堂名世忠靈谿水與會谿通於今百尺高銅  
柱猶說蠻夷大長功

爽巖洞石刻 明正德六年

胡 靜

古洞爽開處藏春別有天百壺酬勝賞一笑了塵緣

按石刻末著一行  
云小崖胡靜題

爽巖洞石刻

彭 飛

偶從仙人遊邀我洞中宿夜久月明孤風吹巖下竹

按石刻末著五字  
云二州彭飛題

曰竹山石刻

純陽子

### 永順縣志

### 卷之六

藝文志 詩

五十六

□山之固盤石之堅月樓其號萬古千年子修高隱  
明道成仙斯何名矣十三洞天

按石刻末著純  
陽子贈四字

甘泉

明解元 唐 寅

山外浮雲即渺茫山間流水玉輝光千尋疋練懸巖  
落一道銀河到海長和月掬來還有影帶花汲去豈  
無香隨流好入華陽洞莫向天台問阮郎

玉屏煥彩

知縣 李 瑾

北來千嶂此間停誰剷青峯列玉屏日麗瑤光含霧  
紫雪晴素靄漾天青五門城郭雲中見萬里謳歌域  
外聽共慶

皇仁開遠徼競揮綵筆紀山靈

文峯擁秀

新闢高城秀列眉青山當面擁南離森疑玉筍撐明  
漢矗入瓊霄挂斷霓碧落難題蝌蚪字綠章早奏鳳  
凰池地靈知定鍾人傑蔚啟文明始在茲

榜岫雲晴

壁立西山勢若屯喝形如榜挂天門羣仙真誥疑遙  
捧千佛名經訝偶存變幻形看龍爪見崢嶸勢讓虎  
頭尊有人聯步青雲上預卜題名達

□閣

□嶺霞蒸

永順縣志

卷之六

藝文志

詩

五十七

□向巍然見福山蒼龍騰躍復迴環霞明五色輝青  
眼日射千峯擁翠鬢佳氣葱蘢連猛崙候人占驗誤  
函關狃花蠻鳥忘機久樂國新開任往還

雙溪夜月

東西郭外合溪流二水溶溶瀉碧湫兩道寒光搖素  
練十分圓影盪晶毬雪翻沙渚鷗村遠雲斂天心兔  
魄秋夜半小舟隨去住蘆花洲又蓼花洲

河港溫泉

雪浪寒生猛崙河那知河港沸溫波同流未解炎涼  
異一水其如冷暖何洗淨冰心塵迹少融和雪乳妙  
香多臨風浴罷當流坐清濁重賡孺子歌

龍洞朝雲

飛霞山畔石玲瓏洞裏何年住老龍膚寸吐雲飄上  
界膏流作雨灑諸峯雷聲殷處陰千里虹影穿來彩  
萬重變化甘霖施下土神靈先已慰三農

連橋新市

溪流疊疊繞城東兩水雙橋夾彩虹竹樹參差冠蓋  
里閭閻掩映畫圖中山城煙火千家聚樂歲嬉遊百  
物豐回憶輶車初至日田間蔓草尚葱葱

北河行

雲南舉人 許鑑衡

天下灘河稱奇險川陝閩江未曾見鎮遠沅州歎路  
□贛石遜之多危灘詎自辰州上北河河勢漸高如

永順縣志

卷之六

藝文志 詩

五十八

□坡初經虎口石嵯峨昔年馬王不敢過鳳灘三疊  
險無比茨灘鬼灘石齒齒蛟龍怒噴湧銀濤雪花激  
射百尺高野鬼吹風草木號鼉鼉蹲坐氣何驕舟人  
扛舟入港口行人捨舟靠石走攀蘿緣崖如猿獠眼  
望驚灘怯回首行行趨拜伏波祠下灘船皆如箭馳  
舟楫出沒波浪裏水濺竹篷濕淋漓我謂北河之險  
險如此人胡爲乎同至此舟子語客勿相驚先時勢  
若浩縱橫自從土官獻土築邊城發帑疏通河路  
平令尹賢且才巡督河之隈鑿去怪石數百堆何懼  
灘聲響若雷吾儕河上日徘徊不聞航傾與楫摧

銅柱歌

會溪山水鬱嵯峨巍然銅柱立山坡聞昔馬王據辰  
州界分漢土鎮山河山河變幻幾千春荒陬一柱何  
嶙峋宏皋銘辭捫可識信知呵護有鬼神當年鑄此  
威蠻疆而今蠻土列冠裳猶令往來舟上客太息英  
風未渺茫

題觀音巖

知縣

陳秉鈞

蕭寺遙連郭外村靈巒常秀水常溫地藏幽壑疑仙  
境天假懸巖壯佛門鳥道低穿猶有路神工巧鑿更  
無痕我來瞻望徘徊久欲罄吟懷日又昏

題土王祠

□據千秋意若何雄圖偏踞仗巖阿天環萬嶺開關

永順縣志

卷之六

藝文志

詩

五十九

□地束重灘助甲戈五代兵殘銅柱冷百蠻風古洞  
民多至今野廟年年賽深巷猶傳擺手歌

溫泉


七言古

學政

鄭虎文

亂山深處溫泉多煙霾雲翳無人過玉屏之山翠環  
郭泉生其麓臨溪河岸通樵汲水賈泊疏鑿偃仄開  
煙蘿地靈到此惜不得眾晦獨顯名難磨吾行按試  
畢科歲士習誠樸蠲煩苛頌聲未敢信碑口歸旌暫  
駐來巖阿因呼朋儕卻騶從微逕确犖周盤陀隔溪  
峭壁立積鐵環泉練帶鋪青羅一泓下徹鏡開匣千  
漚上汛星流波有聲無臭空是色鍊陰鑄陽中而和  
解衣就浴試深淺如鼎不沸供摩抄浮光著體瑩寒

玉仗火入腹攻沈疴往聞人來春夏日澗深泉沒疑  
傳訛希聲蓄寶似珠玉方流圓折空描摩小春天氣  
風日好而吾適到非天何敢云此身本無垢緇塵久  
染羞媿濯纓濯足與所便枕流漱石原殊科昨經  
茅坪歷高望俯身萬仞如投梭暫蘇喘息悸未定得  
此庶足驅愁魔獨憐茲泉落蠻徼欲齒名勝憂譏訶  
官清俗陋不好事誰與點染資吟哦彝童苗婦恣穢  
褻寒猿野鹿相騰那網羅才俊漏草莽同此淪落悲  
蹉跎披衣太息坐盤石柱杖緩步升危坡臨流何人  
問牛飲閉戶有客眠雞窠幸無盤筵污遊歷永絕車  
□驚麾呵維名累人終累己以無名故無輶軻華清



卷之六

藝文志

詩

六十

□豔此流潔俯仰今古生愁歌芙蓉含笑向幽澗落  
日送影銜春螺徘徊林壑未忽去畱題吾欲鑄嵯峨

永城閒述

學政 鄭虎文

斗大一城耳森然萬壑秋有山皆絕壁無水不懸流  
虛谷風聲怒晴空霧氣稠客身憂瘴癘九月已重裘  
其二

山外原無地山頭尚有田刀耕農當鍤火種野無煙  
灌溉難爲力榮枯只問天傳聞春夏日比歲雨緜緜  
其三

民難憐俗儉婦女共耕樵露粟腰鎌刈山蔬背籠挑  
珥渾垂臂釧裳偶飾鮫綃蓬跣慙相顧逢人欲諱苗

其四

頗愛民風古尤欣士習醇到知官吏重訟得是非真  
耕鑿皆樂土文章未致身恍遊懷葛世絕勝武陵春  
讌集衍真西山湘亭屬諭詩示僚友

知府 李 拔

從來官吏與斯民大造生成賦予均豈俟陳風知好  
惡設身處地即同仁

□□當如漢吏循龔黃遺軌尚堪遵雉馴虎渡非神  
術只在慈祥片念真

遊觀音巖

知府 陳 疇

訪勝賓朋共舉尊一峯高壓郭南門巖阿障日終年

□□□志

卷之六

藝文志

詩

六十一

□泉水通河別派溫寺訝飛來疑鷺嶺禪參慧業憶  
雞園山靈好事砭塵俗故激湍流晝夜喧

和韻

訓導 王繡茂

蓮座天然法相尊登臨髣髴叩雲門枝垂峭壁山如  
畫露灑清泉水自溫翠竹黃花迎馬首長松細草繞  
谿園朱旛到處徵星聚鳥語聲傳梵唄喧

和韻

拔貢 黃光曙

象教西來世久尊巨靈新闢此山門巖通曲徑樵蘇  
少偈領禪機芋火溫點石誰鐫羅漢壁布金休羨給  
孤園就中天地疑都別柳暗花明寂眾喧  
時增生向萬河亦有和作今佚

題蟠桃菴

在土司舊治顆砂保

增生

鄧國珍

古寺名蟠桃建置山之麓有山清且幽蒼松兼翠竹  
山外雜清流潺湲時飛瀑殿宇大觀瞻莊嚴法相肅  
日久漸傾頹籐蘿穿林木寺僧募重修次第營工築  
浮屠勢嶙峋碑記堪往復依然擬蘭亭拈花句可讀  
彷彿遊祇園曲徑豁心目鐘聲繞雲煙野景入畫軸  
珥筆誌形勝

□□□山谷

□灘

石韞玉

琢堂

舟行鳳凰灘津吏驚相告銀濤震如雷迸出兩崖奧  
亂石枕飛流怪奇羅眾貌或累如危碁或奔如飛礮

□□□□

卷之六

藝文志

詩

六十二

或張如屏風或頽如煨竈或如珠韞櫝或如劍出鞘  
或如屋建瓴或如營樹纛如鴟矯以飛如虎蹲以踞  
如佛面壁枯如鬼攫人嘯力爭宇宙奇故與波濤掬  
篷舳亂中流無所施檣櫂十夫挽而行人聲水聲鬧  
忽焉發平流舉舟相慰勞神祠牲醴酬榜人金布犒  
賓客互評論立里僕雜謹譟或言此危機死生呼吸召  
或言此奇觀壯遊觀奇妙喜者果非情恐怖亦可笑  
我生命在天安危任所到

銅柱歌

石韞玉

琢堂

蠻煙瘴雨溪州路溪邊桃李花如霧楚國將軍舊駐  
師巋然銅柱千秋樹摩挲苔蘚讀殘銘將軍曾擁羣



蠻戍兵氣銷沈戰士歸墨花飛舞才人賦嗟乎八姓  
十三君神州草竊空紛紜廟堂姑息羈縻計藩翰張  
皇戰伐勳正朔尚尊晉天子雲初欲附漢將軍賑饑  
大發監河粟飲至高歌破陣雲帳下微盧知效命幕  
中枚馬亦能文真人未出羣龍起蠻觸蝸爭自古聞  
當時唐失中原鹿神器遷流如轉轂永巷傳書寄石  
郎空勞燕燕雙飛足一朝戎馬起蕭牆半壁河山窘  
邊幅拱手燕雲付契丹空設楚廣平蠻服積薪救火  
小朝廷舊聞祇益溪山辱槃瓠醜類至今存神武常  
垂不殺恩百雉築城屏翰固兩階舞羽廟堂尊詩書  
□必能移俗劍戟全銷祇勸耕昔日銘功書伐地風

□□□志

卷之六

藝文志

詩

六十三

雲常護伏波營

過茨鳳二灘

學使

祁雋藻

伏波祠廟鳳灘頭祠下灘聲三疊流剩有誓蠻銅柱  
在勒名不是漢家侯

茨灘灘水似遊龍一線銀濤萬弩衝最是山僧閒看  
客夕波紅處寺樓鐘

過鳳灘廟

三鳳仙灘踞上游神祠高峙倚峯頭山撐峭壁人難  
步石湧迴瀾水倒流夾岸銀濤拖白練凌霄銅柱慄  
千秋蠻流古蹟今猶在端賴威靈鎮此洲

觀音巖題壁

學使

張金鑛

萬竹窅然暝一門，  
訝忽開夏寒森欲雨。  
空響殷疑雷，峭壁嵌新翠。  
流泉咽古哀，招攜得佳侶。  
從此出塵埃，自沅陵至永順。  
之王村灘，河險絕偶記數首。十不能狀一也。

昔聞黔灘險，今來涉白河。

俗稱白河見永順志

五溪古荒戍，戶

少頑山多山水，四噴激沸漬成巨波。地肺譎萬狀，律擊森鋸戈。水怒石不卻，互抵相泐摩。健如犀軍鬥，奮麀議絕和。日午忽霏黑，急雨跳巖蘿。

遠瀑空中來，日夜聲震耳。砰訇無已時，不知何年始。境窄流直下，迅若離弦矢。路曲波隨之，輾轉穿珠蟻。斜坡見孤廟，相逼儼尺咫。忽後忽復前，仍在河之涘。

□□□志

卷之六

藝文志 詩

六十四

乃知半日行，所越不一里。

駭浪截然止，大波砒然碎。巨石墮小船，船劈桅亦墜。小船餘半扁，飄伏驚湍際。伏艙駭環矚，惏心爲悸。天地多險途，一定退羣沸。猙獍風濤惡，豈不在平地。其然其不然，忠信我其濟。

王村至永順九十里，崎嶇特甚。紀以小章。

兩日真如谷底行，巉坡敲坂各崢嶸。桐花點綴春光澹，叢篠微聞格磔聲。

憲皇神武昭寰宇，改土安甿百卅年。今日背籠猶舊

俗，鉏頭火阮不須錢。

鉏頭錢火阮名目土司時斂民名目

比似蠶叢蜀道難，踞巖攀藟陟千盤。照心溪水明如

鏡分付岿岷四面看

孟夏朔日朝雨溪州使院作

複戶深扃試院嚴青葱樹色潤侵簾隍中憶夢還尋  
鹿城裏看山半壓檐春去尚餘寒料峭雲來忽送雨  
廉纖

御園遙想迴雕輦豹尾星旗曉露霑

上駐蹕圓明園每  
時高親行皆於卯  
逢

正迴蹕

牛路河

知府 黃文琛

出郭阻四望遐路東南指即次懍增惕知難焉退止  
截雲兩崖高轟石一溪駛磴夾窮柏欹渦蹙浴鳧死  
忘險興爲縱思往情何已諄諄桂林公陳文恭名  
宏謀持

□□□志

卷之六

藝文志 詩

六十五

節親臨此相度憂病涉書寄語盈紙瑣務久耿抱眾  
職畢修理蠻遠性無殊甘爲上所使合力事以濟遺  
惠頌來紀老我忝民牧拜恩撫邊鄙可能就安樂得  
毋鵜梁恥

虎子坪 并序

坪之名自彭氏始土人諱虎皆呼以貓而近時復  
取聲之相似者改虎字爲撫字一方荒阻引企猶  
良情可見已去郡經過作詩一音以告後之守此  
土者

山居最畏虎談虎聞者驚誰實入其穴而以名此坪  
蠻酋昔據險大獵揚戈兵等閑視狐兔搃殺西方精

建旗五十八溪崗蜚英聲內款百餘載攘剔今康平  
出口尚觸禁方音私改更貓虎不同性藉慰行人行  
國家厭誅戰猛獸紛縱橫壯士殊難得蹈虎終當亨  
郵館暫棲息令我憂懷傾兩字見深意豈徒防餘萌  
貪人利苛政櫛耨先科征幸爲張侍郎勿效漢宣城  
勞心盡所職庶宅元元生作詩昭後來勉旃思此名  
下灘

溪神試我老膽勇夜召風雨故驚悚巖垂壑沸豪秋  
湍地機騰激晴雷洶船頭半沒船尾高人與伏鱗共  
飛踊濺衣及屨自安坐一木擺撥羣力捧篙工脫險  
乃大笑竊臆使君得毋恐豈知崛強性所成莫以危

□□□志

卷之六

藝文志 詩

六十六

疑震衰冗慣看世熊等鴟赫嫉邪未敢悔前踵綠潭  
箭下平如席搜奇早已詩肩聳  
會溪不及往觀銅柱

羅衣東下溜淙潺一柱嵯峨險未攀五季勳名見金  
石百年恩信有溪山近聞蕩寇頻捐甲且喜臨邊不  
捕蠻剔蘚剗苔快披讀幽情應待北舟還

賊退示官吏和元道州韻

并序

知府

張修府

咸豐辛酉秋黔寇踞來鳳屢窺龍山粵西賊繼至  
郡城與保桑諸邑皆戒嚴久之官軍驅賊走蜀中  
楚邊幸告無恙而溪蠻元氣凋敝過半矣予憫焉  
重以自愧因爲是詩

郡符未一載戎事忽半年心頭耿熱血孤掌憤不前  
量沙噎朝食枕戈廢宵眠禦變竟何術官守聊勉旃

竭來寇氛遠捷書遂紛然戰功豈不貴得毋蒙賊憐  
蠻方生理瘠遭亂詎復全譬如抱羸疾疹厲尤酷焉  
醫庸更無藥念之心憂煎不辭考下下但愧陽城賢  
哀鴻幸休息歸覓煙波船關山照烽火鄉夢浮雲邊  
祖疾革樂府爲永邑武童向陽女作雲南廩貢 宋廷模子山  
祖疾革將易簀向氏女心當日迫急何擇天可格剖  
股作羹返魂魄股是祖生血一脈疾未愈醫無策此  
疾不克嘗新麥疾果愈手加額此理幽明洵不隔吁  
嗟孝女十八齡一女強勝生男百伊誰爲之書竹帛  
太守張學使白

紀所聞杜將軍事

永邑古丈坪人名光佑卒年二十餘

□□□志

卷之六

藝文志 詩

六十七

漢陽長江幾千里伊誰投之得不死况復乘醉墜江  
波誰能拯之得生理有弟有弟杜將軍平生友愛立  
人紀迫於生兄敢惜生縱死同死江之涘天公爲鑒  
人精誠須臾二人隨波起天公不假人遐齡太息將  
軍旋死矣生死何常不足哀兄生弟死死仍喜我聞  
父老歷言之數語堪作將軍誄并聞負母昔避兵當  
復傳之爲孝子

遊觀音巖

廩貢 宋廷模子山

日午出南郊山徑接城堵望望不二門相隔不數武  
有塔插碧霄雲氣相吞吐有池當路傍味之如甘乳  
前行亂巖間神工駭鬼斧仰攀無路躋破壁通一縷

蔭風撲面來避寒若避弩且卻復且行危石天上俯  
摩巖字如林剝落未全睹寺古山復深到此入門戶  
路踏白雲多落葉紛難數側耳聽漁歌未聞雜鐘鼓  
隱約山一隅喜先窺堂宇殿閣苦無多神仙分洞府  
危巖逼雲高巨石立天柱溪河淺復低舟小無帆櫓  
坐愛古木陰披襟當廊廡拜佛佛無言棄我如塵土  
老僧去不回空山渾無主是日僧已出遊王村興盡詠而歸夕  
陽挂村塢

遇虎行

爲李奇顯妻梁氏作

翰林院待詔銜張

珏

福州人

苗女未離巢穀乳嫁與山蠻稚且魯磽田難耕多瘠  
土夫事伐柯妻擔斧丹巖雲嶂木連柱樵以薪之何

□□□志

卷之六

藝文志 詩

六十八

年樹花裙草屨聯步武斫石丁丁日當午誰識深林  
高宿莽腥風怒號山君舞飢腸嗜人雄擒鼠銜口那  
把舊志土人稱夫日那把痛聲苦亡身赴鬪淚如雨揮刀天幸

傷其股於菟吼去活樵父瘡血背籠流僂偃行歸城  
市觀如堵乞醫剝肉肉幾腐宰官采風重修譜李梁  
名列志事古我感當熊作歌補女俠苗疆之鼻祖膽  
大輪困盤肺腑苗女苗女奇遇虎

水災行

知縣唐 賡

同治癸酉六月中

十六日酉刻

猛崙河溢心忡忡一時水

灌城內外其高乃與屋檐同憶古伐蛟當夏季漁師  
有命先期避胡爲山城罹水災咄咄怪出人所備馮

夷鼓浪蛟氣腥與波上下雜鯤鯨奉職無狀天示警  
吁嗟殃胡及編氓水退泥猶深數尺壞垣敗瓦相堆  
積可憐百物胥淪漂剩有衣冠盡汙濕太息人溺如  
已溺已溺未敢私戚戚忍將平日似水心不拯斯民  
聽蕩析上爲營窟下爲巢離居終日計編茅幸免爲  
魚起昏墊敢忘饑雁聽哀嗷衽席莫安草飛檄上之  
天子言日擊

九重矜憫下

天章

堪矜憫之語  
上諭有殊

聖主澤渥發倉糶民戴

□□感再生帑金不惜卹民情鼓腹擊壤詎知識

□□□志

卷之六

藝文志

詩

六十九

□□浩蕩莫能名吁嗟乎史書

賑災書大水鮒轍蘇困千秋美會當共紀黃河清海隅蒼  
生皆率俾

萬笏山邑治鎮山也據形家言永順城脈基此余既  
錄入新志賦詩誌之

知縣

唐 賡

茲山形勝獨崔巍千嶂趨朝亦壯哉絕頂高寒多雨  
雪仙蹤奇異守雲雷蠻方作鎮人知少造化鍾靈理  
可推自是洞天真福地留題爲記我曾來

過明溪訪紅字碑

明溪遙指會溪東宋代摩崖字泐紅上策攻心誇膽  
畧蠻酋稽首奏膚功江來卯■灘流險山赴辰陽地

勢雄爲問當年誰草檄張翹韋布在軍中  
會溪銅柱

述德偏誇祖烈多銘功礪帶誓山河土人誤會將軍  
意不祀文昭祀伏波

九九文徵人世長如何傳國只三王繇詞翻爲彭家  
兆八百餘年牧大鄉

明溪懷古

地靈人傑感溪名漢將猶懷寶應明一樣吳良留界  
在後先難間舊屯營明溪以漢寶應明駐師得名吳良界以明將吳良駐師得名  
題宗弟河清家清先後殉難傳後因以誌感

翰林院檢討 黃晉洺 瑟菴

□□□志

卷之六

藝文志 詩

七十

人生自古誰無死墓草離披長已矣拚將熱血噴同  
袍吾家信有奇男子秋水橫腰雙佩刀海濤飛立征  
雲高嗟吾志齋年十七侍父出師庸憚勞道州斗大  
賊烽煽轟兀雲梯紛火箭開門揖盜大將軍不念孤  
軍當一面一面難當城已傾卞壺父子戰有聲父謂  
汝行吾且死子言父死兒不生仰天垂泣天欲黑叱  
咤風雲都變色小醜曷敢傷吾親手刃虜頭擲城兆  
突圍縋下勢倉皇泥塗荆棘尤郎當以身負父行且  
止千生萬死來瀟湘湘城之危若累卵花卿鵲眼生  
風火見賊愈多身愈輕已甘馬革將尸裹此際仙源  
荷戟來蓋棺昇骨不勝哀子弟行役今若此那堪目



斷單于臺豪哉終童甫弱冠旋侍征鞍入襄漢漢水  
泠泠湘水波嗚咽鴿原歌急難鐵衣遠戍久酸辛霏  
霏雨雪作歸人歸方匝月羽書至再執戈矛掃逆塵  
城闕秋風愁似昔對親懽慰背親泣寒聲刁斗正淒  
清桑邑狼烽連告急老謀卓識舊知名上峰借箸重  
遄征直入虎穴探虎子斛律年少奮先鳴從古立功  
人所忌英雄况復懸危地肯以小醜遺君親詎料身  
亡心不遂弟兄先後各捐軀不數當年眵與盱劇憐  
萱草北堂哭椿枝又復嗟桑榆有弟有弟尚童穉有  
妹有妹方待字一家骨肉痛縈心魂歸來兮盍畱意  
□昔兒時昆仲行長君文弱次君強或跳地上作彪

□□□□

卷之六

藝文志 詩

七十一

□或采蠟珠成鳳凰一別十年音問少私幸吾弟長  
美好蘭摧玉折竟如斯淚灑西風夢春草人壽幾曾  
到百年克全忠孝即神仙煌煌

天題煥竹冊崔巍傑閣圖凌煙

銅柱歌

邑舉 唐仁匯 蘇林

子皇帝立父西戎十六州割邊防空石郎大位直兒  
戲可惜荆南紀錄一片銅偉哉楚王馬殷子裹尸不  
惜沙場死旗幟朝屯二酉雲鼓鉦夜沸五溪水溪山  
酋長爭來朝蝸角不逐狼煙銷滿天劍氣櫜槍避萬  
帳饒歌山嶽搖巴渝遠水通千里槃瓠遺疆定一朝  
醜酒椎牛誓香火地圖界破金繩標乃倣交趾銅彈

壓溪州土長虹落九天蒼茫巨煙雨謂今而後勿爲  
扼轍螳負嵎虎石爛江枯常不腐有如此柱立地頂  
天萬萬古爾時意氣吞南天眼中不數馬文淵商頌  
周詩共鍊冶秦碣漢鼎入雕鑄煌煌正朔頒絕域大  
書天福晉五年五年來歲幾遷可憐□□如秋煙自  
古銅駝無定處銅人辭漢哭漢主漳州雀去魏王臺  
瀘水沙□諸葛鼓是何刼數散荒涼銅柱高懸字數  
行沙蟲猿鶴精靈滅無限樵歌弔夕陽

□  
□  
□  
□  
□  
□  
□

卷

□

□

□

□

□

□